


續名醫類案

第十三



續名醫類案卷十一

錢塘魏之琇 編集

海昌王士雄孟英
定州楊照蓀素園 同校

癱瘓

竇材治一人病半身不遂先灸關元五百壯一日二服八仙
丹五日一服換骨丹覺患處汗出來日病減四分一月全
愈再服延壽丹半觔保元丹一觔五十年病不作千金等
方不灸關元不服丹藥惟以尋常藥治之雖愈難久
一人患左半身不遂六脉沉細無力竇曰此必服峻利之藥



南京中醫藥大學圖書館藏

損其真氣。故脉沉細病者云。前月服捉虎丹吐涎二升。此後稍輕。但未全愈耳。竇嘆曰。中風本因元氣虛損。今服吐劑。反傷元氣。目下雖減。不數日再作。不復救矣。不十日果大反。復求治。雖服丹藥竟不能起。

余嘗行衡州道中。遇醴陵尉自衛陽方回。以病歸。問其得疾之由。曰。某食猪肉入山。既深。無肉可以食。偶從者食穿山甲肉。因嘗數臠。舊有風疾。至是復作。今左手足廢矣。因以篋中風藥遺之。後半月聞其人頓愈。及至永州。觀圖經曰。穿山甲不可殺于隄岸。血一入土。則隄岸不可復塞。蓋能透地脉也。如此尉因誤食致病。而旬日痼疾盡愈。亦可怪。

也今人用以通婦人脉甚驗

萬鑑家貧拆字度日得末疾以帛絡臂於項左手執杖而行服藥不效一日遇呂純陽謂曰汝少饒今潛怒盛于肝以致生火其如雷擊風旋二氣不合是以火不生土而土焦土不生金而金鑠金不尅木木反尅之子孫拂意方致汝蹶血氣停滯於脉絡乃致如此因以手捫腰臂曰痠乎曰不又再捫至膝曰痠矣曰此乃環跳穴所在汝旣知痠他日將棄此杖矣又見鑑手有懸帛又將手向衣內上下捫者三曰幸瘦可愈汝五臟俱火不必餌藥惟武夷茶能解之茶以東南枝者佳採得烹以澗泉則茶豎立若以井水

則橫還居數日忽不知手舉足步矣

續金陵瑣事

雄按茶專清肅肺金

李時珍治一人偏風手足不舉用蓖麻油同羊脂麝香鯨鯉

甲

即穿山甲

等藥煎作摩膏日摩數次一月餘漸復兼服搜風

化痰養血之劑三月而愈又一人病手臂一塊腫痛亦用

蓖麻搗膏貼之一夜而愈

本草綱目

外治法甚佳不可不知

薛立齋治一婦人性善怒常自汗月經先期以為肝火血熱

不信乃泛用降火之劑反致月經過期復因勞怒口噤呻

吟肢體不遂六脉洪大面目赤色用八珍麥冬五味山梔

丹皮數劑漸愈兼用逍遙六味丸各三十餘劑全愈

一婦人因怒患痰厥而甦左手臂不能伸手指麻木口喎眼

斜痰氣上攻兩腿骨熱或骨中痠痛服烏藥順氣散之類
諸症益甚不時昏憤更加內熱晡熱此肝經血虛內熱生
風前藥復耗肝血虛火熾盛而益甚也先以柴胡梔子散
調養肝經氣血數日後用八珍湯加鈎藤鈎散諸症稍愈
又用加減八味丸料少加酒炒黃柏知母黑色者數劑諸
症頓退乃服八珍柴胡梔子散半載而痊後勞役卽有復
作之意服柴胡梔子散遂安

至正十二年某月括蒼葉仲剛氏居天台郡爲府史且三歲
一日病肢體不隨眾醫皆以爲洞風謂風洞徹四肢也療
之不能愈請于施敬仲敬仲診其脉曰病積于身有日矣

爲大劑飲之、不旬日遂愈、人咸神異其故、敬仲曰、某所以知仲剛病者、切其脉大而來徐、是積熱盤鬱于內、久不得發、卒與風遇、其病當作、吾以脉治之而愈、何神異焉、

說續

編

王肯堂治一人、右手足偏廢、不起牀三年矣、久服順氣行痰之藥不效、至夜神志輒昏、度不可支、服十全大補、卽覺清明、數日能扶策而起、無何能舍策而步矣、經云、邪之所湊、其氣必虛、但治其虛、不理其邪、而邪自去也。

此等語最誤後人、此人因多服順氣化痰藥、致虛本元、

故以十全大補取效、若不論邪之有無、但以純補爲祛



邪妙法則大謬矣

李東垣治陝帥郭巨濟病徧枯二指著足底不能申以長針刺委中深至骨而不知痛出血一二升其色如墨又且謬刺之如是者六七次服藥三月病良愈

試效方

馮楚瞻治于某患徧枯症右臂浮腫或麻或痛艱于步履或者謂痰謂火謂風多與清涼消尅發散之劑一日忽昏迷不省痰喘潰汗脉之六部沈微此中氣久虛不爲峻補反肆尅伐非重劑無以挽回乃用人參六兩炒黃白朮四兩生附子一枚去皮薑汁炒水煎一碗灌之汗漸收脉漸起痰喘定而神清調補一月而愈



吳季先治王季衡患左半身不遂或作痛風與發散或作痰
治與滾痰丸下數行精神困憊左部沈細而弱此非溼痰
死血乃血虛也左屬血然非氣以統之則不流法當從陽
引陰上午用四君子湯加黃耆桂枝首烏製附下午用四
物湯加秦艽續斷炮薑并加新纓少許取絲有綿綿不絕
之形絳有入心化赤之義也治左半身不遂尤宜用之四
十帖手能運動倍之足能步履如初

近時吳門專以
此法欣動愚昧

韓貽豐治孔學使尙先患半身不遂步履艱難語言蹇澁音

含糊氣斷續爲針環跳風市三里各二十一針即下牀自

走不煩扶掖筋舒血活無復病楚意惟語言聲音如舊翌

日又爲針天突臆中十四針遂吐音措詞琅然條貫矣
穆大司農和倫先是左手患木風指不能伸屈此半身不遂
之兆也召韓治爲用七針指卽伸縮無恙逾兩月復患腿
疾必恃杖而行因力辭乞休已而韓爲針環跳風市三里
針數次而疾頓瘳遂視事如故

喻嘉言治季蘅翁年將七旬半身不遂已二載病發左半口
往右喎昏厥遺尿初服參耆頗當惑于左半屬血不宜補
氣之說幾至大壞雲間施笠澤以參附療之稍安然概從
溫補未盡病情也脉之軟滑中時帶勁疾蓋痰與風襍合
之症痰爲主風爲標也又熱與寒襍合之症熱爲主寒爲

標也。平時手冷如冰，故痰動易厥。厥已復甦，嘔去其痰，眠食自若。冬月頗能耐寒，可知寒爲外顯之假寒，熱爲內蘊之真熱。熱蒸溼以爲痰，阻塞竅隧，故衛氣不周，外風易入，加以房帷不節，精氣內虛，與風相召，是以襍合而成是症耳。今欲大理右半脾胃之氣，以運出左半之熱痰虛風，要非溫補一端所能盡也。夫治襍合之病，必須用襍合之藥，而隨時令以盡無窮之變。如冬月嚴寒，身內之熱爲寒所束，不得從皮膚外泄，勢必深入筋骨爲害矣，故用薑附以暫徹外寒，而內勢反得宣洩。若時令之熱與內蘊之熱相合，復助以薑附三熱交煽，有灼筋腐肉而已。夫左右者陰

陽之道路故肝膽居左而其氣常行於右脾胃居右而其氣常行於左往來灌注是以生生不息也肝木主風脾土爲痰風與痰之中人原不分於左右但翁過損精血是以八八天癸已盡之後左半先虧而右半飲食所生之痰與皮毛所入之風以漸積於空虛之府而驟發始覺耳風脈勁疾痰脈軟滑故病則大筋短縮卽舌筋亦短而蹇於言小筋弛長故從左而喎於右是可知左畔之小筋弛而不長矣若左筋之長則左喎矣凡治一偏之風法宜從陰引陽從陽引陰從左引右從右引左以參朮爲君臣以附子乾薑爲佐使寒月可恃無恐以參朮爲君臣以羚羊柴胡

知母石膏爲佐使。而春夏秋三時可無熱病之累。然宜刺手足四末以泄榮血而通氣。恐熱痰虛風久而成癘也。門人問曰：半身不遂之病，原有左右之分，豈左右分屬之後，病遂一往不返乎？若答曰：風與痰之中人，各隨所造，初無定體。病成之後，亦非一往不返也。蓋有往有復者，天運人事，病機無不皆然。如風者，四時八方之氣，從鼻而入，天之氣也；痰者，五穀百物之味，從口而入，脾胃之溼所結地之氣也。勢本相遼，亦嘗相兼。全似內傷之與外感，每夾雜而易眩。故風勝者先治其風，痰勝者先治其痰，相等則治風兼治痰，此定法也。內經曰：風之中人也，先從皮毛而入，次

傳肌肉。次傳筋脉。次傳骨髓。故善治者先治皮毛。其次治肌肉。由此觀之。乃從右而漸入於左也。皮毛者肺主之。肌肉者胃主之。筋脉者肝主之。骨髓者腎主之。從外入者轉入轉深。故治皮毛治肌肉。不使其深入也。又曰溼之中人也先從足始。此則自下而之上。無分於左右者也。但內風素勝之人。偏與外風相召。內溼素盛之人。偏與外溼相召。內風之人大塊之噫氣未動。而身已先惕。內溼之人室中之礎礫未潤。而體已先重。是以治病必從其類也。從外入者以漸而驅之於外。從下上者以漸而驅之於下。如治風用大小續命湯。方中桂附苓朮麻黃。表裏靡雜。今人見爲

難用、不知用桂附、所以驅在裏之邪、用苓朮、所以驅在中
之邪、用麻防等表藥、獨重者、正欲使內邪從外而出也、至
於病久體虛、風入已深、又有一氣微汗之法、一句微利之
法、平調半月十日、又微微驅散、古人原有規則、若任其一
往不返、妄貴其爲治乎、至於治痰之規則、不見於方書、如
在上者、用瓜蒂散、梔豉湯等方、在左者、用龍薈丸、在右者
用滾痰丸、以及虛人用竹瀝達痰丸、沈寒錮冷用三建湯
之類、全無奧義、吾今爲子明之、蓋胃爲水穀之海、五臟六
府之總司、人之飲食太過而結爲痰涎者、每隨脾之健運
而滲灌於經隧、其間往返之機、如海潮然、脾氣行則潮去

脾氣止則潮回。所以治沈錮之法。但取辛熱微動寒凝。以後止而不用。恐脾得熱而過動。痰得熱而妄行。爲害不淺也。人身之痰。旣由胃以流於經隧。則經隧之痰亦必返之於胃。然後可從口而上。越從腸而下達。此惟脾氣靜息之時。其痰可返。故凡有痰症者。早食午食而外。但宜休養脾氣。不動使經隧之痰得以返之於胃。而從胃之氣上下。不從脾之氣四逆。乃爲善也。試觀人痰病輕者。夜間安卧。次早卽能吐出泄出。痰病重者。昏迷復醒。反能嘔出泄出者。豈非未曾得食。脾氣靜息而予痰以出路耶。從來服峻補之藥者。深夜亦欲得食。人不知其故。反以能食爲慶。不知

愛惜脾氣令其晝運夜息乃可有常肯因俚言而三思否

雄按戚鶴泉云左陽位東南右陰位西北天有餘於陽故
不滿西北而人身頭以上應天左耳目日常明於右其感於
邪也必右甚於左地有餘陰不足於陽故不滿東南而人
身頭以下應地右手足常便於左其感於邪也必左甚於
右所謂邪乘虛而入也在上右甚虛在血在下左甚虛
在氣凡半身不遂頭面無過者當以左陽右陰地道右強
於左之義權之如病在左此自陽不足而然為順如反病
在右有陰血大虧併其有餘者損之病為逆也左陽右陰
為天地定理不得肝位左為主血肺位右為主氣遂以左
為血病右為氣病錯陰陽之道路也更推言之則男子法
乎天女子法乎地天道左盛男上病不可在左若身以下
屬地道則東南陽常不足左病非逆也地道右盛女下病
不宜在右若身以上屬天道則
西北陰常不足右病非逆也

朱丹思治一肥人憂思氣鬱右手癱口喎與補中益氣湯有

痰加半夏竹瀝薑汁煎服